

何氏古代名人

何福进

后周太原人少从军以骁勇闻名为唐庄宗宿卫军校清泰中从范延光平邺以功历郑陇二州防御使开运中拜左骁卫大将军与李筠等合谋力战尽遂契丹汉祖时为曹州防御使太祖入平原拜忠武军节度使又移领镇州数年之间北鄙无事累加同平章事其子继筠字化龙幼时与群儿戏必分行伍为战阵之象仕后唐至周历行营都监太祖时累拜建武节度使深沉有智略前后备边二十年间与士卒同甘苦善揣边情敌人畏伏多书像祠之其孙承矩字正则太宗时置河北治边屯田使数百里民赖其利使知雄州与民同甘苦边有告机事者与之款接故契丹动息皆能前知真宗时累拜齐州团练使

何比干

汉朝平陵人字少卿精明行修兼通法律武帝时为汝阴狱吏决曹持所活者数千人准汝号何公有老姬造门曰公先世有阴德及公之身又治狱多平反天赐策以广公后即出怀中策九百九枚曰子孙佩印符者如此策即为何氏九九堂之传

何休

后汉樊人字邵公质朴呐口而雅有心思精研六经善历算尤好公羊春秋为太傅陈蕃所辟蕃败坐废乃作春秋公羊解诂覃思不规门者十七年世传为何氏学又有公羊墨守左氏膏肓谷梁废疾等书党禁解拜议郎屡陈忠言再迁谏议大夫光和中卒

何晏

三国魏进孙字平叔性自喜动静粉白行步顾影美姿仪而绝白明帝疑其傅粉夏日与热汤饼既啖大汗随出以朱衣自拭色转皎然尚魏进孙公主累官司侍中尚书爵列侯世称美何郎尝作道德论及诸文赋数十篇传于世者有《论语集解》

何祗

蜀汉字君肃为人宽厚通济补成都令时郫县令缺诸葛以祗兼二县二县户口繁多饶诸奸秽祗常眠睡信期觉悟辄得奸诈众咸畏其发摘无敢欺者汶山夷不安以祗为汶山太守民夷信服后迁广汉太守

何攀

晋郫人字惠兴武帝时为廷尉后以功封西城侯邑

万户赐绢万匹攀让所封及绢之半余所受者分给中外宗族后封兗州刺史固辞不就攀居心平允莅官整肃为梁益二州中正引致遗滞虽居显职家甚贫无妾媵伎乐惟以周济贫乏为事

何宪

南齐虞江人字子思博通群籍与刘风共执秘阁四部书试词其所知自甲至乙每说一书并叙述作之体连日累夜莫见所遗武帝时位本州别驾国子博学

何祯

晋虞江人字元干有文学器干容貌甚伟仕魏历幽州刺史廷尉入晋为尚书光禄大夫

何远

梁郢人字义方武帝时历官东阳太守疾强富怜贫弱豪强畏惮凡所典郡百姓为之生祠终征西咨议参军司马

何求

南齐人字子有元嘉末历丹阳郡丞后为太子中舍人永明间拜大中大夫不就居隐与弟何点何胤时称何氏三高世号求为东山点为大山胤为小山潜山有三高亭

何点

求弟字子哲方雅贞素博通群书善谈论遨游人世历宋及齐时人号为通隐雅士有人论鉴多所甄拔哀乐过人武帝时赐以鹿皮巾欲拜为侍中点以手捋武帝髯曰乃欲臣老子耶即辞归

何胤

点弟字子季幼好学纵情诞节齐武帝时为建安太守政有恩信人不忍欺每伏腊放囚还家依期而返后隐会稽武帝即位起为光禄大夫辞不受迁居泰望山启学舍别为小阁寝处其中著百法论十二门论注周易毛诗统集毛诗隐义礼记隐义礼答问等书

何叔度

南宋人恭谨有行业奉母最孝母卒侍婢如母后姨故朔望必致哀官至金紫光禄大夫吴郡太守有清身洁己之称号其子尚之宋武帝时封为右卫钦太子中庶子雅好文义至文帝时为尚书令时有谏诤累官左光禄开府议同三司卒谥简穆其孙何偃即尚子也字仲弘元嘉中位太子中庶子历侍中掌诏诰与父并处权要其曾孙何戢即偃子也字慧景初仁宗尚山公主拜驸马都尉历

官司徒左长史高帝时迁吏部尚书戢美容仪动止与褚渊相慕时人呼为小褚公卒谥懿子

何逊

梁承天曾孙字仲言文章与刘孝绰并称世谓之何刘天监中官尚书水部郎逊在扬州时厅宇有梅盛开逊尝吟咏其下后居洛阳之思梅不得固请再往扬州既至适花盛发大开东阁延文士笑邀终日有何水部集杜诗云 东阁官梅动诗兴还如何逊在扬州

何子朗

梁思澄宗人字世明早有才思工清言时思澄舆宗人逊及子朗俱擅文名世称东海三何子朗最多历官员外散骑侍郎有文集

何妥

隋细胡子字栖凤少机警有才名文帝时累官国子祭酒尝言苏威不可信任又上八事以谏威大衔之出为兖州刺史卒谥肃

何昌期

唐阳山人幼健捷力制奔牛天宝间与安禄山将高秀累战有功拜千牛卫上将军封甯国伯

何戡

唐长庆间人善歌刘禹锡诗云旧人惟有何戡在更与殷勤唱渭城

何执中

宋处州龙泉人字伯通第进士知海盐县有吏才徽宗时累官中书门下侍郎继为尚书左丞累迁少师封荣国公以太傅致仕卒谥正献

何基

宋金华人字恭师黄余穷伊洛之源淳固笃实绝类汉儒咸淳初授史馆校勘兼崇政殿说书卒谥文定有大学发挥中庸发挥大传发挥易启蒙发挥近思录等文集三十卷居金华山人称北山先生

何琬

宋处州龙泉人字子温举进士神宗书其姓名于御屏云政事何琬官至龙图阁大学士

何源

宋大庾人字清卿通诸经授长子衢亨春秋登宝佑进士授次子光龙礼记登咸淳进士授门人莫如德易登淳佑进士父子师友渊源可述

何铸

宋馮杭人字伯铸政和进士绍兴中拜御史中丞秦桧诬岳飞令铸鞠之铸白其冤桧不悦铸曰仆岂区区为一岳飞者强敌未灭无故戮一大将失士卒之心非社稷之常计桧语塞官至资政殿学士后使于金卒谥恭敏

何实

元北京人字诚卿太祖时从木华黎选充前锋以功为帐前军马都弹压从取大同雁门石陉等州悉平之引兵掠太原平阳河中京兆诸城所向款附累功赐金虎符宜行元帅府事

何伯祥

元易人从张柔归太祖定河朔攻汴梁破蔡洲论功授易州等处国民总管世祖南伐伯祥参预军事多所献纳卒谥武昌

何良俊

明松江华亭人字元朗少笃学二十年不下楼藏书四万卷涉猎殆编以岁贡授翰林院孔目有何氏语林四友斋丛说何翰林集其弟良傅字叔度嘉靖进士历南京礼部郎中时兄弟皆负俊才称双何與二陆齐名

何景明

明信阳人字仲默弘治进士正德间历官陕西提学使志操耿介与李梦阳并有国士风天下语诗文必并称何李又与边贡徐铉卿并称四杰有大复集大复论雍大记

何应龙

明南陵人涉猎经史臂力绝人元末起义兵以功授民兵千户洪武初昭世其官从徐达北定中原还留宿卫后征西卒於途其子孙同居者九世

何孟春

明郴州人字子元弘治进士学问弥宏屡迁右副都御史巡抚云南计平十八寨叛蛮嘉靖初为礼部侍郎大礼议起孟春上疏力争又偕百官伏阙号泣夺俸调南京工部引疾归卒谥文简有何文简疏议余冬序录何燕泉诗家语注

何宗彦

明隋川人字君美万历进士累迁礼部右侍郎清修有执摄尚书事六年遇事侃侃敷陈时望甚隆其时齐党势甚非同类率排去之宗彦无所附丽卒不安其位而去

光宗立拜礼部尚书兼东阁大学士天启间屡加吏部尚书延极殿大学士卒谥文毅

何绍基

清道州人字子贞号东洲号猿叟道光进士官编修博涉群书于六经子史皆有著述尤精小学旁及金石碑版文字凡历朝掌政无不了然于心论诗喜东坡山谷书法平原上溯周秦两汉篆下至六朝南北碑皆心摹手追卓然自成一家草书犹为一代之冠有惜道味斋经说说文段注驳正诗文集

其二弟绍业字子毅道光荫生精绘事力追宋元花鸟人物清超绝俗亦精算学

其三弟绍祺字子敬号最潜道光举人官至浙江道员署粮储道书法平原能承家学

其四弟绍京字子愚道光举人侯选道员书宗平原晚兼华亭与兄等世称何氏四杰

何其英

清石屏人字天成号六谷别号涧虚子康熙时廩贡生学问渊醇工诗文善作苏书又多历名山大川有迤江图说元帅平滇道路考西藏图说墨雨楼记

其弟其伟字石民号我堂康熙举人官遂昌知县有
我堂诗古文集时称兄弟才名

何凌汉

清道州人字云门又字仙槎嘉庆进士道光间官至
户部尚书卒赠太子太保谥文安凌汉于吏户工部皆久
任主持公议熟思利弊一无所苟以文章道德寄中外望
者数十年尤善书有云腴山房集

何焯

清长洲人字岷瞻号茶仙先世曾以义门旌学者称
义门先生为诸生即负盛名所选制义行远集为学者所
宗康熙中以拔贡生值南书房赐举人复赐进士官编修
坐事逮问寻免罪值武英殿修书其学长于考订所居曰
赧砚斋有义门读书记

何中

元乐安人字太虚宋末进士博学深宏至顺间为龙
兴学师有易类象书传补遗通鉴纲目测海知非堂记

何世隆

元明季群雄割据世隆纠义兵守除城以信义为众
享慕归太祖授万户守除城升右副都元帅尽心抚绥众

赖以安

何平

汉平陵人字子廉为长陵令道不拾遗后为颍川太守锄犖豪强表善好士一郡清静史称其节亚尹翁归云

何伦

明江山人事亲至孝一日盗入舍觉之不呼将取釜乃语曰请留釜备吾晨炊以供母食盗愧尽还所盗

何耕

宋字道夫绍兴中守蜀之嘉州有惠政与何逢源孙松寿宋海号四循良民绘像祀之

何履旭

清福清人字君章性至孝母病笃常剜股和药以进母病得愈有心鸣集